

上明

天尊大慈之化下副<sub>臣</sub>等皈命之誠謹啓以聞

發願

一 念為道四大合德齊主七世父母免脫憂

苦上升天堂衣食自然

二 念帝王國主道化興隆庠序濟濟皇教恢弘威儀翼翼普天所瞻民稱太平四夷賓

伏妖惡自滅賢聖日生

三 念法師功德大建教化明達俱獲飛仙

四 念同志學人早得仙道更相開度

五 念九親和睦好尚仁義貴道賤財行為物

六 念損已布施道士及饑寒者天下人民各得其所

七 念蠕動蚊行一切衆生成家成就

八 念救貧前生今世罪對立功補過

九 念家門隆盛宗廟有人世生賢才

十 念專受師經不敢中怠平等一心廣度一切克獲上仙白日登天拜見太上永成真

人雲車羽駕和與道合真

存神燒香

香官使者左右龍虎君侍香諸靈官當今<sub>臣</sub>建齋之所自然生金液丹碧芝英百靈應具交會在此香火爐前令<sub>臣</sub>學道得道求仙得

仙齋主受福幽顯沾恩十方仙童玉女侍衛

蘭煙傳<sub>臣</sub>向來所啓速達<sub>聖</sub>御

太上无極大道至真玉皇上帝御前

出壺頌

靈寶領教濟度金書卷之二百四十

靈寶領教濟度金書卷之二百四十一

洞微高士開光啟若其人當全其按

靈寶通玄教教本南先生林靈真編

科儀立成品折樣用

午朝行道儀

燒香頌

各禮師存念如法

宣衛靈呪

丹靈未火炎霞激風赤輪剛運天光八衝

進威包羅交變萬方流金豁落群魔滅蹤

辟毒破妖明耀無功金符召制躡雲乘龍

謠譎慶會散花太空神化冥運四極安隆

伏御帝前罔有不恭和與道合真

鳴法鼓二十四道

无上三天玄元始三炁大道君召出<sub>臣</sub>身

中三五功曹左右官使者侍香金童傳言玉

女五帝直符直日香官各三十六人出出者

嚴衆開啓玄壇天帝神君當召此間土地里

城真官正神急上開啓<sub>臣</sub>今奉為入奉書以

今午朝陛壇行道願得

玉清道炁靈寶妙光下降流入<sub>臣</sub>等身中令  
<sub>臣</sub>所啓速速運御  
太上無極大道至真玉皇上帝御前

請稱法位

具位<sub>臣</sub>某與臨壇官衆等謹同誠上啓

虛無自然元始天尊無極大道太上道君太  
上老君昊天至真玉皇上帝紫微天皇大帝  
紫微北極大帝后土皇地祇南極長生大帝  
東極青華大帝好生丈人真君九天應元雷  
聲普化天尊長生保命天尊福生無量天尊  
十方靈寶天尊十方已得道大聖衆至真諸  
君大人諸天大帝瓊闕高真玄都玉京金闕  
七寶瓊臺紫微上宮靈寶至真明皇道君上  
相上宰上保上傳四司五帝十二仙卿三十  
六部尊經玄中大法師三天大聖師靈寶經  
籍度三師真君靈寶官屬三界真靈伏聞道  
判洪濛元始御無形之祖教敷溟涬虛皇凝  
有象之宗環五億而圓蓋上浮布三千而方  
與下莫惟人為貴昭昭而經緯流形謂物最  
靈林林而陰陽稟命凡居靈籙孰外甄陶<sub>臣</sub>

等霜柳衰蹤風枯弱質塵埃袞袞暗驚梨粟  
之凋鬢髮星星堆歎桑榆之薄望依洪陸許  
布赤心步龍尾以攀躋拱獅頭而奏對凡有  
皈向合為敷宣

宣詞

按如詞旨備陳中忱<sub>臣</sub>開品分正從聿嚴九  
等之殊班列武文爰重兩科之辨入選則試  
身書判任官則別守權衡若稽前朝馴至累  
代或任科舉而定賢能之高下或議勳貴而  
推祿位之崇卑或弄翰操觚騰聲學校或被  
堅執銳技藝班行每自下以升高可由小而  
至大皆屬分定難以力爭故凡陽職之升沉  
悉屬陰靈之予奪今齊主共甚寃肄業楓禁  
需榮學古而窮朝夕之勤入仕而際春秋之  
富問關途放遠辭南國之遙幘帽修程期覩  
北方之缺慮命運之未至與爵祿之未崇自  
逸為何徒勞<sub>臣</sub>蓋匪上祈於玄造飛綽天中  
曷下副於丹衷煥綸日表庸潔蓬宇爰築楓  
壇門列十華羅雲鋪而逸響陸周四埴鳴月  
簾以流明翠葆葳蕤珠璣搖曳願洪恩之浩

蕩頃鶴款之羅敷監茲祈謝之忱俾赴功名  
之會以今午朝行道請法衆等運茲初捨上  
香  
願此香煙騰空迺上供養

地願

地願以是功德上祝  
皇帝陛下伏願道德日新聖神天縱御紫宸  
而問道八表朝元羅黃蓋以臨朝九圍拱極  
敷聲教而舞七德厚風俗以誦九功地平天  
成冠百王而大定河清海晏首五帝以時雍  
今故燒香自皈依  
師尊大聖衆至真之德得道之後保天長存  
和與道合真  
以今午朝行道請法衆等運茲二捨上香  
願此香煙騰空迺上供養  
无上至真經寶<sub>臣</sub>等皈身皈神皈命首體投  
地願以是功德歸流齋主共伏願瑞垂霏煙  
祥符湛露揮風九萬騰博古之詞鋒擊水三  
千掃識時之筆陣千青雲而直上奏白雲以  
橫飛三鳳家聲克耀堆牀之坊雙麟世貴欣

華拈架之籤今故燒香自皈依

師尊大聖眾至真之德得道之後長享和平  
和與道合真

以今午朝行道請法眾等運茲三檢上香  
願此香煙騰空逕上供奉

无上至真師寶<sup>臣</sup>等皈身皈神<sup>命</sup>首體投  
地願以是功德歸流四嶽九牧萬姓三軍伏

願家家壽域處處福鄉續紀雲室有曰都曰  
俞之盛勳藏煙閣極維屏維翰之功溥五服

以生成昭九圻而化育三農樂業無號裡舞  
鱣之愛四鄙息烽有歸馬放牛之樂今故燒

香自皈依  
師尊大聖眾至真之德得道之後永保清寧  
和與道合真

禮方 儀方十方同此  
只改方名

<sup>臣</sup>等今故燒香皈身皈神<sup>命</sup>

東方無極太上靈寶天尊已得道大聖眾至  
真諸君丈人九炁天君東鄉神仙諸靈官懺

悔齋主辛爰從劫始馴至今生三惑不除四  
知莫守三綱忽畧五常慢違以尊凌卑以貴

虐賤疾人勝已恃已驕人馳騁六情恣縱三  
業是非顛倒真偽紛紜過積女曹愁書黑簡

未經首謝易阻榮華今故燒香至心皈依伏  
冀上聖矜憐高真垂憫赦除過咎削落災危

即俾齋主恭成就功名蠲消罪累富貴如願  
謀望從心州縣小遷臺省高擢光榮宗祖昌

大門間得道之後均拜康寧和與道合真  
命魔 步虛

控轡適十方 旋憩玄景阿 仰觀劫仞臺  
俯盼紫雲羅 逍遙太上京 相與坐蓮花

積學為真人 恬然榮衛和 永享無期壽  
萬椿美足多

又  
大道師玄寂 升仙友无英 公子度靈符  
太乙捧洞章 舍利耀金姿 龍駕欲來迎

天尊盼雲輿 飄飄乘虛翔 香華若飛雪  
紛蕩茂玄梁 頭惱禮金闕 携手朝玉京

又  
寒村玄景圓 煥爛七寶林 天獸三百名  
獅子巨萬尋 飛龍躡躅鳴 神鳳應節吟

靈風扇奇花 清香散人襟 自无高世才  
焉能耽此心

三啓頌

鬱鬱家園盛 濟濟經道興 天人同其願  
縹緲入大乘 因心立福田 靡靡法輪升

三禮

七祖生天堂 我身白日騰  
<sup>臣</sup>等至心稽首禮  
太上无極大道  
<sup>臣</sup>等至心稽首禮

三十六部尊經  
<sup>臣</sup>等至心稽首禮

玄中大法師  
重稱法位

具位<sup>臣</sup>等與臨壇官眾等謹同誠上啓

虛无自然元始天尊無極大道太上道君太  
上老君昊天至尊玉皇上帝紫微天皇大帝

紫微北極大帝后土皇地祇南極長生大帝  
東極青華大帝好生丈人真君九天應元雷  
聲普化天尊長生保命天尊福生無量天尊



十方靈寶天尊十方已得道大聖眾至真諸君丈人諸天上帝瓊闕高真玄都玉京金闕七寶瓊臺紫微上官靈寶至真明皇道君上相上宰上保上傳四司五帝十二仙卿三十六部尊經玄中大法師三天大聖師靈寶經籙度三師真君靈寶官屬三界真靈伏聞東壁圖書府總文章之權衡南斗賢良司任爵祿之憲籙惟聖真銓舉於天上有神靈主職於人間陽德昭明出朝郎於白屋陰功煥茂奮相業於寒儒儻缺修為必沉庸墮今齋主某才猷超敏文望昭彰將入選於王庭期觀光於帝闕夙宵抱悶昕夕懷憂慮祖宗積累以來至微軀酬酢之際恣縱三業馳騁六情舌在堪誇罔悟是非之顛倒自成可羨豈思空色之回環怨著咨寒唾星指月恃榮貴而凌寒賤藉庸強而侮老成善無銖兩之堪書過有丘陵之可錄以致名題憲籍罪紀刑編或命身守照之乖張或運限加臨之拂亂榮途未進願職難解自非帝造之垂憐曷俾民情之獲遂敬遵玉笈肅演瓊科燒香散花悔

懋尤於已性修齋行道格福慶於方來所冀小物不遠大鈞無外憐其跋涉有往返萬里之勞錫以差除無需待三年之久食彼厚祿立此宏功自州縣而登臺省之崇豈云序進蘇倉庫而進公卿之任母俟格遷今日膺種花剖竹之榮他年尊位棘面槐之貴門閭益大里巷逾昌子孫昭詩禮之傳宗族溥絃誦之盛蒙監食芥之切允臻采非之勤上願化日舒長玄雲丕扇星辰朗照雨露沾濡山川鬼神悉被攸寧之化鳥獸魚鼈共陶咸若之風禾同穎以開祥麥兩岐而獻瑞振千秋鏡八荒共樂於春臺耀萬年枝九野同登於夏屋鞠園扉之青草靜方域之綠林則上明天尊大慈之化下副<sub>且</sub>等皈命之誠謹啓以聞

發願

一願大道淡泊虛無安閑空寂澄清自居廣開法門教導頑夫皆蒙惠澤精苦是脩預以同學普得升虛與天相保長存無憂

二願諸天結炁澄清高虛廣覆保真固靈氣候調節四運和平國安民豐普天閑寧廣

濟一切惠速有生保劫長存億劫不傾

三願土地覆載無窮安平不陷海淪不崩保鎮家國兆民興從養生安死惠周十方未穉滋植榮運日豐咸得厚載萬類皆從

四願日月二景高明无有字蝕虧盈安清无照諸天洞消暗冥保國劫運世祚和平普加潤惠澤灑眾生

五願星辰與日月齊光轉燭照耀映朗十方各安其位經緯直行保鎮家國無有災傷

四海寧一普天興昌

六願四時隨節推遷景炁和調無有災患疫毒消滅普天安平五穀豐熟國富民歡

七願浮雲結炁飛煙飛空高澄陰覆玄玄隱則無為散則彌天神仙同歸結友眾真惠流一切興國愛民普濟群生人同劫年

八願風雨流灑無窮普加施泄受其發揚萬物滋生國儲民豐

九願五嶽各安其方巍巍包毓長為仙宮安鎮國祚保天無終護度一切莫不仰宗

十願江海蕩蕩无極含容恢廓無細不植淵

與柔惠潤加熾息天人獲慶年同劫石

十一願帝王國主日昌四鎮安睦兵革不揚

天人誦唱吉應來翔敷教濟濟感化洋洋

兆庶稱慶長樂未央

十二願蠲飛蠢動已生未生成蒙安全普得

生成皆見元炁受陽之形草木果林經冬

不零一切濟度靡不鮮榮和與道合真

存神燒香

香官使者左右龍虎君侍香諸靈官當令

建齋之所自然生金液丹碧芝英百靈眾真

交會在此香火爐前臣學道得道求仙得

仙齋主受福幽顯沾恩十方仙童玉女侍衛

蘭煙傳臣向來所啓達運御

太上無極大道至真玉皇上帝御前

出堂頌

靈寶領教濟度金書卷之二百四十一

靈寶領教濟度金書卷之二百四十二

洞微高士贈光啟者真人審全具授

靈寶通玄弘教水而先生林靈真編

科儀立成品析採用

晚朝行道儀

燒香頌

各禮師存念如法

宜衛靈呪

五星高耀 瑞炁飛浮 元始集神 天地交周

玉符寶印 齋命微幽 擲火揚威 奸凶無留

萬魔振伏 紛葩却消 摧怪伐惡 道炁同流

神光照夜 陰翳俱收 萬仙降格 扇葉乘颺

群生成遂 惠遍神州和與道合真

鳴法鼓二十四通

无上三天玄元始三炁太上道君召出臣身

中三五功曹左右官使者侍香金童傳言玉

女五帝直符直日香官各三十六人出出者

嚴裝闡啓玄壇天帝神君當召此間土地里

域真官正神急上關啓臣今奉為入春意以

今晚朝陞壇行道願得

玉清道炁靈寶妙光下降流入臣等身中今

臣所啓速達運御

太上無極大道至真玉皇上帝御前

謹稱法位

具位臣某與臨壇官眾等謹同誠上啓

虛無自然元始天尊無極大道太上道君太

上老君昊天至尊玉皇上帝紫微天皇大帝

紫微北極大帝后土皇地祇南極長生大帝

東極青華大帝好生丈人真君九天應元雷

聲普化天尊長生保命天尊福生無量天尊

十方靈寶天尊十方已得道大聖眾至真諸

君丈人諸天大帝瓊關高真玄都玉京金闕

七寶瓊臺紫微上官靈寶至真明皇道君上

相上宰上保上傅四司五帝十二仙卿三十

六部尊經玄中大法師三天大聖師靈寶經

籍度三師真君靈寶官屬三界真靈仗闡元

始開圖擬先天之道炁虛皇御運弘大地之

靈光八圓均戴於生成九軌成依於化育雲

藏風靜湛然經緯之輝海潤河澄至以陰陽

之應惟昭昭於象外斯耿耿於靈中臣等夕